

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva finansija, Vlada Zeničko-dobojskog kantona, na 172. sjednici, održanoj dana 15.09.2022. godine, d o n o s i

ZAKLJUČAK

I.

Utvrđuje se Prijedlog Zakona o izmjeni Zakona o izvršavanju Budžeta Zeničko-dobojskog kantona za 2022. godinu.

II.

Prijedlog Zakona o izmjeni Zakona o izvršavanju Budžeta Zeničko-dobojskog kantona za 2022. godinu, upućuje se u dalju skupštinsku proceduru po skraćenom postupku.

III.

Zaključak stupa na snagu danom donošenja.

PREMIJER

Mirnes Bašić

Broj: 02- _____ /22
Datum, 15.09.2022. godine
Z e n i c a

DOSTAVLJENO:

1x Ministarstvo finansija,
1x Stručna služba Skupštine,
1x a/a.

PRIJEDLOG

Na osnovu člana 37. stav 1. tačka f) i g) Ustava Zeničko-dobojskog kantona, Skupština Zeničko-dobojskog kantona, na ____sjednici, održanoj dana _____, donosi

ZAKON O IZMJENI ZAKONA O IZVRŠAVANJU BUDŽETA ZENIČKO-DOBOJSKOG KANTONA ZA 2022. GODINU

Član 1.

(Izmjena člana 9. Zakona)

U Zakonu o izvršavanju Budžeta Zeničko-dobojskog kantona za 2022. godinu (“Službene novine Zeničko-dobojskog kantona”, broj: 1/22 i 14/22), član 9. stav (2), mijenja se i glasi:

“(2) Gornji iznos ukupnog novog unutrašnjeg i vanjskog zaduživanja Kantona u 2022. godini iznosi do 16.448.128,31 KM i pripadajuće kamate, i to:

- a) u svrhu finansiranja budžetskog deficita Kantona do 13.000.000,00 KM i
- b) učestvovanja u okviru finansiranja za projekat “Energetska efikasnost u javnim objektima (Federacija BiH)”, koji će se finansirati sredstvima KfW-a Kreditanstalt für Wiederaufbau (Njemačke razvojne banke) do 3.448.128,31 KM.”.

Član 2.

(Stupanje na snagu)

Zakon stupa na snagu narednog dana od dana objavljivanja u “Službenim novinama Zeničko-dobojskog kantona.

Broj:

PREDSJEDAVALAČ

Datum,

Z e n i c a

Ćazim Huskić

O B R A Z L O Ž E N J E

I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka f) i g) Ustava Zeničko-dobojskog kantona.

II RAZLOZI ZA DONOŠENJE

Vlada Zeničko-dobojskog kantona je na svojoj 171. sjednici održanoj dana 08.09.2022. godine, na prijedlog Ministarstvu za obrazovanje, nauku, kulturu i sport Zeničko-dobojskog kantona, donijela Zaključak broj: 02-11-13625/2208 od 08.09.2022. godine, kojim je data saglasnost na Listu objekata javnih ustanova iz nadležnosti Zeničko-dobojskog kantona, saprocijenjenim vrijednostima investicija po objektima, za implementaciju sredstava projekta “Energetska efikasnost u javnim objektima (Federacija BiH)”, koji će se financirati sredstvima KfW-a Kreditanstalt für Wiederaufbau (Njemačke razvojne banke).

Tačkom I navedenog Zaključka je utvrđena je Lista od osam (8) objekata javnih ustanova iz nadležnosti Zeničko-dobojskog kantona - Ministarstvo za obrazovanje, nauku, kulturu i sport koji su uključeni u ovoj projekat.

Prije toga, Federalnog ministarstva prostornog uređenja je dostavilo svoj akt broj: 01-19-999/22 od 22.08.2022. godine – Prijava za dodjelu sredstava Revolving fonda za energijsku učinkovitost Federacije BiH, kao finansijskog mehanizma/modela za finansiranje implementacije mjera energetske učinkovitosti za institucije/javne objekte na federalnom nivou vlasti u kojem je između ostalog navedeno da je Vlada Zeničko-dobojskog kantona donijela Zaključak, broj: 02-13-14729/21 od 04.11.2021. godine o izboru objekata za učešće u projektu “Energijska efikasnost u javnim zgradama (Federacija Bosne i Hercegovine)”. U skladu sa Zaključkom, KfW je finansirao izradu Strukturalnih detaljnih energetske pregleda, s ciljem provjere vrijednosti potrebne investicije i popratnih finansijskih ušteda.

S obzirom da predmetno zaduženje nije planirano u Zakonu o izvršavanju Budžeta Zeničko-dobojskog kantona za 2022. godinu, bilo je neophodno izvršiti odgovarajuću izmjenu člana 9. Zakona o izvršavanju Budžeta Zeničko-dobojskog kantona za 2022. godinu, u pogledu povećanja gornjeg iznosa novog zaduživanja Kantona u 2022. godini.

U skladu sa članom 140. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona“, broj: 14/18, 18/18- Isp. i 7/19), predlaže se upućivanje Prijedloga Zakona o izmjeni Zakona o izvršavanju Budžeta Zeničko-dobojskog kantona za 2022. godinu u skupštinsku proceduru po skraćenom postupku, u formi prijedloga, s obzirom da se ne radi o obimnom i složenom propisu.

